

Torino 6 IV 1926.

honorato collega,

Gatias pro sympatico figura de Vesii me habe illo multo caroy Nunc me non habe meo pnetographia. Quando me habe illo, me vol mitte ad Vos.

Me recipere cum gaudio enartas de Vos, et me responde.

Academia es societate scientifico, et decreta nihil. Socios debe resolve omne problema linguistico. Majoritate adopta Vocabulos internationale, et orthographia latino, in vocabulos derivato ex latino.

Libro coquina de Crossland-Taylor, versione de Ferrero, et vocabulario, quem me corrigepag. 19-22, seque regulas sequente:

Adopta latino botanico quando es internationale: armoracio, aurantia, cofea. Lingua originale, sub primo forma Europaco in banana, H., macaroni I. pudding A. etc.

Meo Vocabulario commune, editione de 1909, pag. 13 contine 189 voce internationale non latino; orthographia de illos es conforma ad regulas praecedente. Ibi es 1700 voce commune ad 7 lingua citato, et 1511 es graeco-latino.

Nos adopta orthographia latino in vocabulos que deriva ex latino classico, aut de medio aevo aut moderno de scientia,

et lingua culto de Europa unde vocabulo se diffunde,
p. ex. anchova ex H. non ex Basco, que me ignora. Idem pro banana.

Socio que habe difficultates, pote expone quaestione in Apl, alios responde, et examina problema. Academia decide nihil, socios debe resolve problema.

Socio Noddings proponere quaestione de conditionale. Es utile responsu.

Ex consultatione summario de libros, resulta: Latino non habe modo conditionale habe indicativo, conjunctivo iimperativo.

Italiano trahe novo futuro leggra ex latino legere habet, et conditionale leggerebbe ex latino legere habuit.

In modo identico franco, H. P. Versione litterale illo e habe ad lega.

Anglo adopta should et would, perfedo de will et shall; I would go, We should answer, versione litterale, sed non intelligibile; me e vol i, noj e debe responde,

Teutico Ich Würde gehen me e verte vade.

Sed compositos non conserva sensu originale. Me puta conditionale inutile. Es opportuno longo serie de exemplos, composito ex propositiones completo, proverbios, theorema de mathematica, etc. cum conditionale in linguas moderno, et nos pote stude consilio meliore.

Me preca Vos de auxilio continuo per collaboratione, et de fac socios numeroso. Vos pote tene quota de illos pro expensa de propaganda. Es necessario publicatione de parvo manuale ad usu de Polonos. Nos pote publica articulo de Vos 32 pagina, et fac extracto, in forma de fasciculo. Si Vos publicationes nostro, quale Interlingua, Coquina, etc. scribe.

Cum augurio de successu, et cum spe de optine numeroso socio, me preca de accip accipe meo salutationes cordiale.